

थेसलोनिकीलावरालाई

पावलए उस०कताव परींद ओरायो चिथी

आव चिथी थेसलोनिकेलाव मिरालाई पावलए परींद ओरायो ज़। नो पोल ड़ादा मनी सिलासस बाद परमेस्वरए ओपाँ सथैद निरानैज़्याव। नलाव यहूदीराए ते नोनी निपाँ माभैःद भन भैःवरालाई ब दुख याराएज़्याव (ओसाचीर १७:१-६)। पावल ननी पुलुस्द छुत सहरदा चाव था सथैना ओबावत थेसलोनिकी मन्दलीलावर किताव लिज़्यार लिन्या सैन्याए जूनी तिमोथीलाई नदा परींक्यो (१ थेसलोनिकी ३:१-५)। है जैद पावलए नोर थ०रिद यालिज़्याव तिमोथीए ल्योनी थैद (३:६-१०), यायुँर सभैःदद्याद, परमेस्वरए उयुँलाव मिताव येन कितावनी दान्या (४:१-१२) सोनो परमेस्वरए उमिनताव सिउरास अजम्बरी जुनील दैसिन्या पाँए जूनी सर्द नैद यायो (४:१३-१८)।

१ गे पावल, सिलास सोनो तिमोथीराए गेल्योनी गेबाबु परमेस्वर सोनो गेप्रभु येसु ख्रीसनी निमिनताव थेसलोनिके सहरल लिज़्याव मन्दलीलाई आव चिथी परींद गयाचिज़्या। जेल्योदा परमेस्वरए उयुँ गराँद जेयुँ होलाँ जैद ओयाचिउक।

जेदोज़्याव येन प्राइँड ज़ थास्द ले

२गे गेपोखारिक जे प्राइँलाई एकमन्या ग्राका दाद जेजूनी परमेस्वरलाई धन्याबाद चरैःव ज़ गेनैज़्या। ३जे गेबाबु परमेस्वरए ओड़ाक जेयुँ हुप्द जेदोज़्याव येन, नै मेँए ल्योदा युँ थू जैद जेरासमारिज़्याव, सोनो गेप्रभु

१:१ ओसा १७:१

येसु ख्रीसए ओल्योदा आस दाद जेयुं हुबोलाई मारास्द थ०रिद जेलिज्याव रँ:द गे जेलाई चेतैव ज़ गेनैचिज्या।

४जे परमेस्वरए उयुंलाव मिताव गेभाइर, जेलाई परमेस्वरए ओछाँति-चिउर ज़ जेल्यो लिन्या गेसैज्या।

५जेलाई परमेस्वरए ओपाँ गेसथैचिक नो पाँ जेल्योड पाँनी वाज़ उहुव मा:क, छैव पुरूसए ओसक्तीनी हुद जेयुंल साचो ज़ थ०रिके। है जैद जेल्योड

गे जेजूनी किताव मिँर गेल्यो जे ज़ जेसैज्या। ६हुनी ज़ गे गेदोज्याव मिताव स़ोनो गेप्रभुए ओदोज्याव मिताव जे मनी दान्याकावर ज़ जेल्यो। हो बेलाक

जेखिरी पसिद दुखर यायाचिज्यावत ब छैव पुरूसनी परमेस्वरए ओपाँर रँद ज़ जेथैके। ७जे माकेदोनिया

स़ोनो अखैयालाव परमेस्वरए ओपाँत बाज्यावराए याड़ाक सतैद नैसिउ मितावर जेलिज्या। ८जे जेल्योनी ज़

परमेस्वरए ओपाँ प्राइँदा ज़ थास्नाके, माकेदोनिया स़ोनो अखैयाल वाज़ मा:क, जोड जोड जेलाई 'परमेस्वरए

ओपाँत बाज्यार दी' लिन्या थैज्यार होड होड ब परमेस्वरए उमिन थासो ज़ लिज्या। है जैद गे जेजूनी छुतड पाँव ज़ मापरिके। ९जेजूनी याज़ अइ

लिद पाँज्यार, 'थेसलोनिकेलाव मिँराए

पावललाई ओनैरास बनै चावस रैद अडग्या पुजा भरी रास्द जींदो साचो परमेस्वरए ल्योदा ओल्द होए ओसेवा वाज़ दोज्यार दी, १०स़ोनो गेलाई पापए सजानी पले-ज्याव, नो सिउनी ओसोचोइव ओज़ा येसुलाई स्वर्गनी ओमाहुवा पै यायुं थू जैद कीव ज़ नैज्यार दी' लिन्या याज़ सथैव ज़ यारानैज्यार।

थेसलोनिकेल पावलए ओयेन

२ गेनै गेमैर, गे जेल्योक गेहुव अनाकलाव माताके लिन्या जे ज़ जेसैज्या। २गे ड़ादा फिलिप्पील दुखर दैद बीज्यात ब गेताके। आव ब जेसैज्या। जेल्योक गेहुवत फरी ब गेखिरी यापसिज्यावत ब परमेस्वरए ल्योनी घ्यो:व युं दैद माछे:द ज़ चाव था गेसथैचिके।

३गे गेसथैचिउ भरी गेलाई तान्यानी ब मा:क, बिप्या युंनी ब मा:क, कप्तैनी ब मा:क। ४बुरू परमेस्वरए

गेलाई छाँतिद चाव था सथैन्या गेपासल भ्ना:द ओयासिउनी ज़ गेसथै-चिज्या। नो, अइज़ मिँरालाई खुसी

जैन्याए जूनी मा:क, गेयुंलाव पाँ सैज्याव परमेस्वरलाई खुसी जैन्याए जूनी गेसथैचिज्या। ५जे ज़ जेसैज्या,

गे जेल्योड 'गेलाई कातार यासिर सैं' लिद खर्क ज़ जेस रग रग जैद गेमापाँए। परमेस्वर साची लिङ्या। ६फरी जे जेल्योनी तादी ब छुतराए ल्योनी तादी ब घेप्पा मिन ब गेमाखिमे। ७गे ख्रीसए ओखतैसिउ ओसाचीर गेलिदी ब गेमान ब गेमाहाइए। बुरू नुइँ सवैङ्याव आमाए ओज़ालाई पाथस ओनैङ्याव मिताव गे ब जेल्योड मुइलिउर ताद गेलिके।

८जे गेयुँलाव मितावर जेतावए जेलाई बनै मया दाद परमेस्वरए चाव ओथा यान्या वाज़ माःक, गेजिउ यान्या ब खुसी ज़ गेताके। ९गेनै गेमेंर, गेयेनर जे ब जेचेतैङ्याखेहो। गे जेल्योड गेलिक सुलाई ज़ घच ताताक लिद गे ज़ लाकनी रील दुखस येन दाद परमेस्वरए चाव ओथा ब गेसथैचिके। १०जे ओपाँत बाङ्यावराए जेल्योदा गे कैफत मादाद बनै सोजो छैँव युँस ज़ गेदोके। नोए ओसाची परमेस्वर सोनो जे ज़ जेलिङ्या। ११याबाबुए ओज़ारालाई है ओरादोङ्याव मिताव गे ब जेलाई तोबो तोबोनी जेस्रार हाइदचाद, १२जेलाई ओल ओराज्यालाव ज़गै मगैवल खुलङ्याव परमेस्वरए उमिनत ताव परिन्या मितावर घतारक लिद घलैद काचाबुल दाव गेपरीचिके।

गेपाँ परमेस्वरए ओपाँ ज़ जेथ-रैके

१३गेल्योनी परमेस्वरए ओपाँ जेथैक, 'आव ते मिँराए यासिर्जेव पाँ ते माःक, परमेस्वरए ओपाँ ज़ ची' लिद जेथ-रैवए गे जेजूनी परमेस्वरलाई धन्याबाद चरैःव ज़ गेनैङ्या। नो पाँए जेयुँ हुपङ्यावराए जेयुँल ओयेन ब दाव ज़ नैङ्याव। १४नो पाँ जेथ-रैवए, जे गेनै गेमेंर, येसु ख्रीसलाई यायुँ हुबो यहूदिया खन्दल लिङ्याव परमेस्वरए ओमन्दली स्यासोर जे ब जेताके। नोराए यहूदीराए ल्योनी कुधु दुखर सहिकेर। हिताव ज़ जे मनी जेदेसलावराए ल्योनी कुधु दुखर जेसहिके। १५नो यहूदीराए ज़ गेप्रभु येसु ख्रीसलाई ब सैःकेर, डादा अगमबक्ता भरिलाई ब यारासैःकेर। गेलाई ब यादेसनी खेपैसिकेर। है जैद नोर सुरास ज़ माखैद परमेस्वरकिन ब तँदा ज़ लिङ्यार। १६गे छुत जात-लावरालाई परमेस्वरए ल्योदा घुहुरक लिद परमेस्वरए ओपाँ गेरासथैक मनी वैँसिङ्यार। इतावनी ज़ पापए तर्त पाप दाद यापापए गोइँ सयो-नाङ्यार। है जैद नोराए याक्याँत परमेस्वरए उरिस परिद ले।

पावलए उयुँ थेसलोनिकीरास दैसिन्या

१७गेनै गेमेंर, गे जाँवा पै जेल्योदा हुव गेमादैके। हैदी ब गेमामेःचिए,

गेयुं ते जेस ज़ लिज़्या। जेस फरी ब दैसिद गेडा: गेडा: जोरैन्या बनै युं गेदोड़्या। १८खाली ड़ादा जेल्योदा हुव गेपैज़्याक सैतानए वैसिक्यो। डा पावल भन जेल्योदा कुधु पाला ज़ हुव डापैके। १९गेप्रभु येसु फरी उहुक ओड़ाक गेआस, गेयुं होलां जैदचान्या, गेसिडार नैदचान्या ब जेकिन सुर ची यातारिज़्याव? २०हो बेलाक गेइज्यात नैदचाद गेलाई सरेंन्यार ब जे ज़।

३ गे जेल्योदा हुव गेमादैवए 'किताव लिज़्यार' लिद आतिद 'एथेन्सल गेबातड ज़ गेल्या ब' लिद, २जेल्योदा तिमोथीलाई हतप्त ज़ गेपरीके। नो मिं गेभाइ ज़, परमेस्वरसकाव येसु खीसए चाव ओथा सथैज़्याव मिं ज़। परमेस्वरए ओपांत जेसार् हाइदचाद जेयुंर सभे:दचान्याए जूनी नोलाई गेपरीके। ३हो ताकिन जेदैज़्याव दुखरानी जेयुंर सतेन्या जेमाले। जे ब जेसैज़्या, आव दुखर सहिन्या गेजुं ज़ लिज़्या। ४गे जेस गेलिज़्याक 'जुनी ब दुखर दैन्या ज़ जेले' लिद ड़ादाकिन ज़ है दाव ज़ गेनैचिज़्याव। है गेदाचिज़्याव मिताव ज़ नो दुखर हुके, नो ब जेसैज़्या। ५आव भरी डाचेतैक कैताराक सैतानए भुकैद याबले·वादा, गेयेन भरी अनाकलाव ताया लिद परमेस्वरए ओपांत किताव यालिज़्याव लिद

बनै आतिद मासहिधुद हतप्त ज़ डापरीके।

जेथा गेदैवत गेयुंर होलां ताके

६जेल्योनी तिमोथी ब भर्जा ज़ हुद 'नलावर परमेस्वरए ओपांत यायुं हुपद या याल बनै खैवर लिज़्यार' है उलिहुक ते चाव जेथा गेथैके। गेलाई मया दाद जेचेतैसिज़्याव स़ोनो गेस फरी दैसिन्या युं जेदोड़्याव ब तिमोथीए ओया:नी गेथैके। ७है जैद गेनें गेमेर, परमेस्वरए ओसतत ज़ जेलिज़्यावए गे गेदुखराल ब गेयुंर बनै होलां ताके। ८जे प्रभुए ओपांत थ०रिद जेलिज़्यावए गे ब अब ते जो तादी ब गेसहिधुया ज़। ९परमेस्वरए जेल्योडाव ओदोव येननी बनै रेंद ज़ परमेस्वरलाई गेपोंखारिक जेजूनी जतिकाव धन्याबाद गेचरै:दी ब ओभार खर्क ज़ गेमाख्याधुइ। १०गे परमेस्वरलाई गेपोंखारिक खर्क गेडा: गेडा: जोरैदचासिउके स़ोनो परमेस्वरए ओपां तोबो नेब्लो मासैद यामासुदुम्धुज़्यावलाई सुदुम्दचाव गेदैक लिद लाकनी रील पोंखारिउ ज़ गेनैज़्या।

११ओल गेबाबु परमेस्वर स़ोनो गेप्रभु येसुनी जेल्योदा हुन्या येम फैद ओयासिरक, १२स़ोनो गे किताव जेलाई मया गेदाचिज़्याव हिताव ज़ गेप्रभुए जेलाई मनी जे जेल स़ोनो

छुतरास खैन्या युँ भन ज़ धोल पोगोल जैद ओयाचिउक, १३ सोनो ओल्योदा बनै थंरिउर ओजैचिउक। हो ताकिन ची गेप्रभु येसु फरी ओचाकज्यारास उहुक जे गेबाबु परमेस्वरए ओड़ाक जेखत माल्यो छैवर जेथंरिउरिज्या।

परमेस्वरए उयुँलाव येनर

गेनै गेमैर, जेलाई गेप्रभु येसुए उमिननी बिन्ती दाद गेअर्थै-चिज्या, परमेस्वरए ओयेमल बाद उयुँलाव मिताव येनर दान्या गेल्योनी किताव जेथैव हिताव ज़ भन ज़ दोनाच्यो। आःपै ते नो पाँर दाहुव ज़ जेनैज्या दी। २ प्रभु येसुनिकाव गेदैव दान्या मादान्या येनर जेलाई गयाचिउ जे ज़ जेसैज्या। ३ जे परमेस्वरए उयुँलाव मिताव येन दान्या आव ब लिज्या, छैवस लिद पातज्या पातनी जैसिन्यानी अछतड ल्यो ताके। ४ बुरू सु सु क्याँलाई सतस चोखोस नैव ताके। ५ है जैद जे परमेस्वरलाई मासरेस्ज्यावराए यादोज्याव मिताव क्याँए ओपैज्याव माचावदा युँ खोतोरु जैन्या माःक। ६ निताव पातज्या येन दाज्यावर रूवा रूवाराए अर्काए ओज्यालाई रैद यानै मंतरालाई ब याराबलेज्यार। ‘नितावरालाई खिस

फेरैदचान्या ते प्रभु ज़ लिज्या’ लिद ज़ादाकिन है दाव ज़ गेनैचिज्याव। ७ परमेस्वरए गेलाई युँ माजामो येन दान्याए जूनी उखुलिसउ माःक, छैव येन दान्याए जूनी उखुलिसउ ची। ८ है जैद इताव गेपाँर जोए माभैःए, होए गेलाई माःक, भन छैव पुरूस याज्याव परमेस्वरलाई भैःद मायो।

९ जेलाई ‘परमेस्वरए ओपाँत बा-ज्यावराए ल्योदा जेयुँ थू जैद खैच्यो’ है दान्या ओमेला ते माले। जे जेल ते तयुँ जैद खैन्या परमेस्वरए ल्योनी ज़ जेपैसिके। १० जे माकेदोनियालाव दाज्यु भाइरास खैद समारिसिउ ज़ जेलिज्या। हितावत ब नो येन मारास्द भन ज़ दोनाच्यो है गेलिज्या। ११ सोनो गे ज़ादाकिनकाव है गेदाचिज्याव मिताव, जे सु सु जेयेन जेकुइए ज़ सुरू सुरू दाद थान मानस लिन्यादा कलँ लिच्यो। १२ हो ताकिन ची सुलाई ज़ मापैरैद परमेस्वरए ओपाँत माहुवराए याड़ाक जे महिमानोर जेरैःरिज्या।

प्रभु उहुन्या छयाम

१३ अ गेनै गेमैर, सिउराए जूनी ब तोबो पाँ है गेदाचिज्या। नो पाँ जेसैकिन अजम्बरी जुनीए आस मादो-ज्यावराए माँःती सिउराए सोगो दाव

†४:४ छुत बुभिन्या — बुरू चोखोस लिद ज्यास थान मानस ल्यो ताके।

मापरिए। १४गे ते येसु सिद ओसैंसिउ गेपतिज्या। हिताव ज़ येसुए उमिनताव सिउरालाई परमेस्वरए ओलस ज़ यालारिज्याव लिद गेयुँ हुबो ज़ लिज्या। १५आव पाँ गेप्रभुए ओपाँनी ज़ है गेदाचिज्या, गेप्रभु फरी ओमाहुवा पै गे मासिद जींदो ज़ लिज्याव भरी सिउराकिन ड़ात तान्या गेमाले। १६हो छचाम परमेस्वरए प्राइरानी घेप्पा ओचाकज्याए बनै चोइस ओर्गा सघ्योःद ओभोंकर ओतबोत गेप्रभु येसु स्वर्गतिन भरिहुरिज्या। उभरिउ प्राइंना ज़ उमिनताव सिउ भरिरालाई ड़ात यासोचोइरिज्याव। १७नकिन गे मासिद रहिद लिज्यावरालाई मनी गेप्रभुए नो ओरासोचोइवरास बादल जील स्वर्गत ओल्योक लाँसिरिज्याव। हाःकिन गेप्रभुस एकतार सिप ज़ लिन्या गेले। १८है जैद जे जेल आव पाँरानी जेयुँ होलाँ जैसिचिके।

५ गेनै गेमेँर, आव भरी आव बेलाक आव छचाम तारिज्या लिन्या जेलाई सदर्याव मापरिए। २जे ज़ चावस जेसैंज्या, गेप्रभु हुन्या छचाम रील कुना हुज्याव मिँ स्यासो ज़ हुरिज्या। ३मिँराए, 'गेलाई काता ओछचास ब माले, थाँतस ज़ गेलिज्या' है यालिज्यावत ज़ किताव ज़ा दैन्या

मेंमाए ज़ा दैन्या ओबेथा उमँःजानी हुज्या, हिताव ज़ नोराए याक्याँत मनी परमेस्वरए ल्योनी नास हुरिज्या। सु ज़ उस्किउ दैन्या मालेर। ४खाली जे, गेनै गेमेँर, चुम चुमोल लिज्याव स्यासोर ते जेमाले। जेलाई ते ख्रीस फरी उहुन्या छचाम नो कुना हुज्याव मिँ उहुज्याव स्यासो तान्या माले। ५जे ते लाकाव पलाँए ओज़ार ची, रीलाव चुम चुमोए ओज़ार माःक। ६गे उपुर्कावराए माँःती ड़ल्द लिन्या माःक, गे ते सैंसिद भाःसिद ल्यो ताके। ७माभाःसिद ड़ल्द लिन्या सोनो मँःद काता ज़ मासैंव तान्या ते चुम चुमोलाव रीलाव येन ची। ८है जैद पलाँवल येन दाज्यावर गेतावए गे मामँःव मितावर ताव परिके। किताव लरैदा बाज्याव मिँ ओछाती जोगोइन्याए जूँनी भँए पाता ओजासिज्याव हिताव ज़ जे ब परमेस्वरलाई मया दाद ओललाई वाज़ जेयुँ सुहुबो ताके। फरी नो मिँए ओडैत भँए तुपी ओजासिज्याव मिताव जे ब 'अजम्बरी जुनी यान्या ज़ ले' लिद आस दोव ताके। ९परमेस्वरए गेलाई उरिस चोवर ओजैसिउ माःक, गेलाई ते उजिउ भाःदचाज्याव गेप्रभु येसु ख्रीसनी बाँचिन्यार ओजैसिउ ची। १०गेजूँनी उसिउए ओल ओमाहुवा पै

गेसिदी ब, गेलिदी ब, गो प्राईं तछा ओलस ज़ सिप तान्या गेले। ११ है जैद आव पाँरानी जे जेल जेयुँर होलाँ जैद जेयुँर सभें:सिच्यो। नो आ:पै ते दोव ज़ जेनैज्या।

प्रभुए ओपाँ पैज्यावरालाई यामान नैदयान्या

१२अ गेनै गेमेँर, जेस गेबिन्ती तोबो लिज्या, जेजूनी ध्यावना दाद प्रभुए ओपाँ पैज्याव जेलोम्बारालाई यामान नैद याराएच्यो। १३नोरालाई, 'गेजूनी आ: चाव येन दोज्यार' लिद यागुन मामें:द प्राइँल यामान नैद याराएच्यो। जे जे ब खैद लिच्यो।

याका दान्या पाँर

१४अ गेनै गेमेँर, आव ब याका दोच्यो, है दासिउ मातीद मामुइलिउ-रालाई यारासिडाच्यो, छेपोवारालाई यार्युँ सच्यो:द याराएच्यो, माथंरिउ-रालाई पाथ यारापारैच्यो, प्राइँलाई सहिद यारासुमच्यो। १५जे जेल सुए ज़ खिस ताफेरैसिच्यो, बुरू जे जेल सनो छुतलाई मनी तान्या खिमच्यो। १६एकतार रेंद ज़ लिच्यो। १७पोंखारिउ ज़ नैच्यो। १८प्राइँत ज़ धन्याबाद चरै:च्यो। जे येसु ख्रीसस

लिज्यावराए निताव दान्या परमेस्वरए उयुँलाव मिताव ज़ ताज्या। १९छैँव पुरूसलाई तावैच्यो। २०छैँव पुरूसनी पाँज्यावए ओपाँ ब तासोच्यो। २१बुरू पाँ भरी बनै चावस थःरैद चाव भरी जेयुँल नैच्यो। २२बले:ज्याव भरिरानी अछतड लिच्यो।

परमेस्वरए ओअसिक

२३अब प्राइँलाई सखैज्याव परमेस्वरए ओल ज़ जेलाई जेखत माल्यो छैँवर ओजैचिउक। सनो गोप्रभु येसु ख्रीस फरी उहुन्या छचाम पै जेलाई जेपुरूस, जेयुँ, जेक्याँ ओपो:स ज़ ओखत माल्यो नैद ओयाचिउक। २४जेलाई खुल्ज्याव परमेस्वर युँ हुबो ज़ लिज्या, जुनी ब सयो:दयाचिरिज्याव।

तुपैन्या पाँर

२५अ गेनै गेमेँर, गेजूनी ब पोंखारि-दयासिच्यो। २६नलाव लिज्याव दाज्यु भाइरालाई मयासं जेरो है यारादोच्यो। २७जेलाई प्रभुए उमिननी डाअर्थैचिज्या, आव चिथी परमेस्वरए उमिनत लिज्याव प्राइँलाई चावस यारासथैच्यो।

२८गेप्रभु येसु ख्रीसए उयुँ जेल्योदा ओगराँक।